



SÁMIRÁĐI KULTURDOARJAGA NJUOLGGADUSAT

1.

Kulturdoarjaga ulbmilin lea doarjut ja ealáskahttit sámiid kultureallima ovttasbarggu riikkarájáid rastá ja doarjut figgamušaid ja doaimmaid, maidda sámiin lea oktasaš beroštupmi. Ornet addá vejolašvuoda sápmelaš joavkkuid, servviid ja ovttaskas olbmuid gaskasaš oktasašbargui.

2.

Sámiráđđi mearrida kulturdoarjaga sturrodagas jahkásaš bušehta oktavuodas. Sámiráđi kulturlávdegoddi mearrida prošeaktadoarjaga, bargostipeanddaid ja oahppomátkestipeanddaid juohkimis. Kulturlávdegoddi mearrida bargo- ja oahppomátkestipeanddaid stipeanddaid sturrodaga ja meari. Kulturlávdegoddi sáhtta dárbbu mielde bivdit cealkámušaid ja jearrat ráđi áššedovdiin.

3.

Kulturdoarjja mieđihuvvo prošeaktadoarjjan ja bargo- ja oahppomátkestipeandan ja gudnebálkkašupmin.

Prošeaktadoarjja lea oaivvilduvvon rájáid rastá manni kulturoktasašbarggu doarjumii ja danin doarjja mieđihuvvo vuosttažettiin dakkár doaimmaide, mat gusket unnimustá guovtte riikii, gos sámit ássat.

Bargostipeandda ulbmilin lea doarjut aktiivvalaš kulturbargiid.

Oahppomátkestipeanda galgá leat veahkin aktiivvalaš kulturbargiide, vai sii besset fitnat báikkiin, gos lea vejolašvuhta ovdidit dáiddalašvuoda ja oažžut inspirašuvnna.

Oahppomátkestipeanda mieđihuvvo vuosttažettiin mátkkiide eará álgoálbmogiid lusa.

Doarjja sáhtta juhkkovuvvot čuovvovaš surggiide:

- girjjálašvuhta,
- musihkka,
- teáhter,
- ealligovva,
- duodji,
- dáidda ja govvadáidda,
- mánáide, nuoraide ja boarrásiidda guoski kulturfidnut,
- dutkan- ja čohkkenbarggut ja
- eará kulturdoaimmat



Bargu, fidnu dahje prošeakta, masa doarjja miedihuvvo, sáhtta leat omd.

- *konsearttaid, čájáhusaid, dáiddadáhpáhusaid ja festiválaid ordnen ja daidda oassálastin*
- *girjji, skearru, kaseahta dahje filmma ráhkadeapmi*
- *duodji, dáiddalaš bargu, giela ovddidanbargu, ođđa media*
- *semináraid, čoahkkimiid, gurssaid ja konfereanssaid ordnen ja daidda oassálastin*
- *buot buohkanassii dakkár doaibma, mii ovddida, gáhtte ja movttiidahtta sámiid kultureallima ja movttiidahtta maid ođđa kultur bargiid searvat dán bargui.*

4.

Kulturdoarjaga sáhttet ohcat ovttaskas sápmelaččat, sámejoavkkut ja sámesearvvit. Kulturreuhta ii addojuvvo stáhtaide, gielddaide iige searvegottiide. Kulturlávdegotti lahtuid ja várrelahtuid ohcamušat eai váldo giedahallamii.

5.

Ohcamušas galget leat mielde bušeahtta, ruhtadanplána, čilgehus prošeavtta sisdoalus, bargoplána ja áige-/mátkeplána. Ohcci galgá almmuhit, leago fidnu ohccojuvvon ja miedihuvvon eará doarjja dahje ohccojuvvo dasa doarjja maid eará sajis.

6.

Sámiráđi čállingoddi máksá miedihuvvon doarjaga dingoma vuodul, goittotge áramustá golbma mánotbaji ovdal fidnu ollašuvvama.

7.

Raporta ja ruhtageavahančilgehus galget sáddejuvvo Sámiráđi kulturlávdegoddi manjmuštá golmma mánotbaji geažes fidnu, barggu dahje oahppomátkki loahpaheames. Raporttas galgá muitalit doaimma bohtosiin, dahkkon barggus, čađahanvugiin ja doaimma ollašuvvamis plána ektui.

Ruhtageavahančilgehusas galgá ovdanbuktit oppalaš goluid ja boađuid nu ahte dat leat sirrejuvvon goluid mielde ja čilgehussii galgá laktit kuittiid dahje kopiijaid kuittiin. Searvvit, organisašuvnnat jnv. galget buktit maiddái prošeaktajagi doaibmačilgehusa ja dárkkistuvvon ja dohkkehuvvon rehketoalu. Bargostipeandda čilgehusas ii dárbbas buktit goluid ovdan. Jos prošeaktadoarjaga oazžu ii raportere mearreáiggi siste, de kulturlávdegoddi ii giedahala su dahje sin kulturdoarjjaohcamušaid viđa jahkái. Erenomáš sivaidda geažil sáhtta spiehkastit dán mearrádusas.

8.

Miedihuvvon doarjja, mii báhcá geavakeahhtá dahje mii ii leat geavahuvvon eavttuid mielde, galgá máhcahuvvo ruovttoluotta Sámiráđđái. Geavakeahhtá báhcán ruđat juhkkjuvvojit dan seammá jagi dahje manjit jagi.

9. Sámiráđi gudnebálkkašupmi

Sámiráđđi addá gudnebálkkašumi juohke njealját jagi. Dat addojuvvo dakkár olbmui, organisašuvnnii, searváid dahje lágádussii, mii ánsásáa erenoamáš gudni ja rámi ángiruššamis sápmelaččaid buorin.



Dakkár lea bargu, mii

- *nanne Sámi álbmoga čeardadovddu ja oktiigullelašvuoda*
- *veahkeha gáhttet sámiiid árbevieruid, eallinvugiid, jurddašanmálle, giela ja eará vuoiŋnalaš árbbi*
- *gáhtte ja ovddida ovddabealde namuhuvvon áššiid dálá servodagas*

Sámiráđđi vállje geasa gudnebálkkašupmi addojuvvo, juos gávnnaha evttohasa, gii ánsásá bálkkašumi.

Sámiráđđi bivdá olbmuid namuhit evttohasaid. Evttohusaid birra ii addo diehtu olggos.

Gudnebálkkašupmái gullá dáiddaduodji ja ruhtasupmi, man sturrodaga Sámiráđđi mearrida.

Gudnebálkkašupmi čoggojuvvo Sámiráđđi jahkásaš bušeahtas njealji jagi áigge. Gudnebálkkašumi geigen dáhpáhuvvá sámeconfereanssa oktavuodas.

SÁMIRÁĐĐI KULTURDOARJAGA JUOHKINPRINSIHPAT

Doarjja ii addojuvvo čuovvovaš doaimmaide:

- *vuollebáhagiidda dahje juo čađahuvvon doaimmaide*
- *servviide doaibmadoarjjan*
- *fásta doaimmaide ja dábálaš hálddahusgoluide*
- *investeremiidda*
- *skuvladoaimmaide dahje oahppamateriála ráhkadeapmái*
- *almmolaš visttiid čijaheapmái*
- *valástallandoaimmaide*
- *stipeanddat eai addo studeanttaide*
- *aviisa-, bláđđe-, TV- ja rádiidoaimmaide*